

LEMBAGA BANTUAN HUKUM PERS



CONSELHO DE IMPRENSA
TIMOR-LESTE

NOTA ENTENDIMENTU

ENTRE

LEMBAGA BANTUAN HUKUM PERS

HO

CONSELHO DE IMPRENSA DE TIMOR-LESTE

NÚMERU: 18/Sk-Sek/LBH PERS/III/2019

NÚMERU: NE02/CI-LBH PERS/III/2019

**KONA-BA PROMOSAUN LIBERDADE IMPRENSA NO LIBERDADE ESPRESAUN
LIUHOSI FORTALESIMENTU INSTITUSIONAL IHA ÁREA ADVOKASIA NO
APLIKASAUN LEI**

hin, Kinta-Feira, loron 14 fulan Marsu tinan 2019, iha Edifisiu Lembaga Bantuan Hukum Pers (LBH PERS), enderesu, Rua. Kalibata Timur IV G Nomor 10, Kalibata, Pancoran, Jakarta Selatan, DKI Jakarta, Indonesia, ami ne'ebé mak asina tuir mai:

1. Diretór Ezekutivu LBH PERS, **Ade Wahyudin**, iha parte ida ne'e hodi naran **LBH PERS** ho enderesu Rua. Kalibata Timur IV G Nomor 10, Kalibata, Pancoran, Jakarta Selatan, DKI Jakarta Indonesia, no tuir mai hanesan **PARTE DAHULUK**;
2. Prezidente Conselho de Imprensa de Timor-Leste, **Virgílio da Silva Guterres**, iha parte ida ne'e hodi naran **Conselho de Imprensa de Timor-Leste** ho enderesu Avenida Bispo de Medeiros, Quintal Boot, Dili, Timor-Leste, tuir mai hanesan **PARTE DARUAK**;

PARTE DAHULUK no **PARTE DARUAK**, ne'ebé tuir mai sei bolu nu'udar **PARTE SIRA**, uluk liu sei esklaresese pontus sira tuir mai:

- a. Katak, **PARTE DAHLUK** nu'udar instituisaun ida ne'ebé la buka lukru, harii husi advogadu foin sa'e sira ne'ebé halibur aan iha Komite Pembela Kebebasan Pers (KPKP) hamutuk ho Aliansi Jurnalis Independen (AJI) iha loron 11 fulan Jullu tinan 2003 iha Tugu Proklamasi Jakarta no tuir mai sai hanesan loron moris LBH PERS nian ho objetibu atu promove sosiedade ne'ebé demókratiku liuhosi apoiu jurídiku no advokasi aba liberdade imprensa no liberdade espresaun iha Indonézia.

- b. Katak **PARTE DARUAK** nu'udar instituisaun independente ho papél atu promove Liberdade Imprensa tuir Lei Komunikasaun Sosial, Timor-Leste, Númeru 5/2014, loron 19 fulan Novembru;
- c. Katak **PARTE SIRA** iha espiritu hanesan atu promove liberdade imprensa no liberdade espresaun liuhosi fortalesimentu institusional iha área advokasia no aplikasaun lei;
- d. Katak **PARTE SIRA** idaidak iha kapasidade atu fo tulun ba konseitu entendimentu ida ne'ebé fo benefísiu ba malu atu promove liberdade imprensa no liberdade espresaun liuhosi fortalesimentu institusional iha área advokasia no aplikasaun lei.

Tetu ba pontu hirak iha leten, **PARTE SIRA**, aseita atu halo, asina no hala'o Nota Entendimentu **KONA-BA PROMOSAUN LIBERDADE IMPRENSA NO LIBERDADE ESPRESAUN LIUHOSI FORTALESIMENTU INSTITUSIONAL IHA ÁREA ADVOKASIA NO APLIKASAUN LEI**, ne'ebé tuir mai temin deit Nota Entendimentu, ho nia rekeztu sira tuir mai:

ARTIGU 1

INTENSAUN NO OBJETIVU


- (1) Nota Entendimentu ida ne'e halo ho intensaun atu utiliza rekursu hosi **PARTE SIRA** atu promove liberdade imprensa no liberdade espresaun liuhosi fortalesimentu institusional iha área advokasia no aplikasaun lei;
- (2) Nota Entendimentu ida ne'e halo ho objetivu atu asegura serbisu hamutuk ne'ebé metin ho konsiderasaun ba karakter ne'ebe diferente no kompleta malu hosi mandatu no responsabilidade **PARTE SIRA**;

ARTIGU 2

ÁMBITU

Ámbitu hosi Nota Entendimentu ida ne'e:

- 1. Fortalesimentu Institusional ne'ebé kobre:
 - a. Edukasaun, Formasaun, Estájiu serbisu iha área advokasia no lei
 - b. Peskiza, kampaña no haforsa rede serbisu.
- 2. Hala'o advokasia ba política sira ne'ebé iha relasaun ba liberdade imprensa no liberdade espresaun;
- 3. Atividade seluk tuir knaar prinsipál no funsaun **PARTE SIRA**.



ARTIGU 3

IMPLEMENTASAUN

- (1) Implementasaun Nota Entendimentu ida ne'e teknikamente sei regula iha Akordu Serbisu Hamutuk ida ketak entre unidade teknika ne'ebé deside husi **PARTE SIRA**, ho kaer ba Nota Entendimentu ida ne'e.
- (2) Akordu Serbisu Hamutuk ne'ebé temin iha pontu (1) nu'udar parte ida ne'ebé lá bele fahe hosi Nota Entendimentu ida ne'e.

ARTIGU 4

FINANSIAMENTU

Nesiedade finanseira hothotu ba implementasaun Nota Entendimentu ida ne'e sei sai nu'udar kustu no responsabilidade **PARTE SIRA** no/eh fontes finansiametu sira seluk ne'ebé legál liuhosi formulasaun teknika, proposta no akordu hamutuk.

ARTIGU 5

PERIÓDU

- (1) Nota Entendimentu ne'e validu ba durante tinan 5 (lima) hahu hosi loron ne'ebé **PARTE SIRA** asina no bele hanaruk, muda, hafoun, eh hakotu ho akordu eskrita hosi **PARTE SIRA**.
- (2) Ajustamentu no/eh mudánsa ba Nota Entendimentu ida ne'e halo nafatin fó atensaun ba pontus no prinsípiu sira ne'ebé konkorda tiha ona entre **PARTE SIRA**.
- (3) Se Parte ida hakarak atu muda, hanaruk no/eh hakotu Nota Entendimentu ida ne'e, Parte refere iha obrigasaun atu fó hatene tarde liu fulan 3 (tolu) antes

ARTIGU 6

MONITORIZASAUN NO AVALIASAUN

Monitorizasaun no Avaliasaun ba Nota Entendimentu ida ne'e hala'o periodikamente husi **PARTE SIRA** minimu dala 1 (ida) iha tinan 1 (ida) nia laran no/eh bainhira nesesariu

ARTIGU 7

DISPOZISAUN SELUK

- (1) Disposizaun sira seluk ne'ebé seidak regala no/eh seidak regala natoon iha Nota Entendimentu ida ne'e sei regula liuhosi akordu entre **PARTE SIRA** ne'ebé sei hakerek iha mudansa (*addendum*) ida ne'ebé sai nudar parte integral hosi Nota Entendimentu ida ne'e.
- (2) Nota Entendimentu ne'e sei la hamenus kn'ar, funsaun no responsabilidade **PARTE SIRA** nian.
- (3) Nota Entendimentu ida ne'e remata eh nulo tuir Lei bainhira iha legislasaun eh Politika Goveru **PARTE SIRA** ne'ebé la fó dalan ba implementasaun Nota Entendimentu ida ne'e.

ARTIGU 8

TAKA

Nota Entendimentu ne'e halo iha kopia 2 (dua) iha Lian Indonézia ho Lian Tetum no asina hosi **PARTE SIRA** no mos sai baze legál no kesi **PARTE SIRA**.

Jakarta, 14 Maret 2019

**PARTE DAHULUK,
DIRETOR EZEKUTIVU LBH PERS
REPUBLIK INDONESIA**



ADE WAHYUDIN
LBH PERS
LIGASI BANTUAN HUKUM PERS

**PARTE DARUAK,
CONSELHO DE IMPRENSA
DE TIMOR-LESTE**



VIRGÍLIO DA SILVA GUTERRES
CONSELHO DE IMPRENSA DE TIMOR-LESTE